

МЕСЯЦА СЕНТЯБРЯ В 4-Й ДЕНЬ
СВЯТАГО СВЯЩЕННОМУЧЕНИКА ГРИГОРИЯ,
ЕПИСКОПА ШЛИССЕЛЬБУРЖСКАГО
Аще изволит настоятель, творим бдение

НА МАЛЕЙ ВЕЧЕРНИ

На Господи возвах: стихиры на 4, глас 1.

Подобен: Прехвальнии мученицы:

Прехвальне Григорие,/ по долгу ублажаем тя,/ яко пастыря воистину добра/ и подражателя своему Владыце,/ заблуждшия овцы взыскавши/ и на пажить безсмертия приведши./ Темже Христови молися/ даровати душам нашим// мир и велию милость.

Прехвальне Григорие,/ слезы убо и поты твои,/ яко камень многоценное сияют,/ течения же кровей твоих/ ко благоплодию удобряют/ нивы духовныя Русския земли./ Темже Христови молися/ даровати душам нашим// мир и велию милость.

Прехвальне Григорие,/ сугуб тебе сплетется венец,/ святительства убо и мучения,/ имже достойно увязеся,/ яко добре течение скончавый/ и веру до конца соблюдый./ Темже Христови молися/ даровати душам нашим// мир и велию милость.

Слава, и ныне, Богородичен, глас и подобен тойже:

Всемирная радость/ Тобою, Дево, миру возсия:/ из Твоих бо пречистых ложесн/ Цвет израсте безсмертныя жизни,/ срасленный Отцу безначальну и Духови,/ благоуханием верныя веселя,/ и неизреченныя сподобляя доброты/ и подавая душам нашим// мир и велию милость.

На стиховне стихиры, глас 2.

Подобен: Дому Евграфов:

Дом спасения,/ Божия Церковь,/ в пречестном празднице светится/ пастыря и учителя,// священнострадальца Григория.

Стих: Честна пред Господом/ смерть преподобных Его.

Дому Пречистая,/ Руси православней,/ в лице молитвенник ея/ новая днесь возсия звезда,// богосветлый Григорий.

Стих: Что воздам Господеву о всех,/ яже воздаде ми?

Православных славу,/ исповедника Христова,/ пастыря овцам неложна,/ апостолом единокровна// ублажаем тя, Григорие.

Слава, и ныне, Богородичен, подобен тойже:

Верным Предстательнице,/ упование миру,/ богорадованная Владычице,/ моли Сына Твоего// спасти души наша.

Тропарь, глас 8, писан на велицей вечерни: Росийскую звезду:

Слава, и ныне, Богородичен: Иже нас ради рождется от Девы:

НА ВЕЛИЦЕЙ ВЕЧЕРНИ

На Гóсподи воззвах: **стихіры, глас 2.**

Подóбен: Егда от Дрэва:

Егда неvéрствия и братоненавѣдѣнія/ тѣрніе прозябѣ в Рýсской землі,/ подавляя и погубляя/ добрую пшеницу Христóву,/ тогда человекоубійственныя злобы,/ Григóрие, не убоѣлся еси,/ но Бóжие звáние рáдостно приѣм,/ стезею моли́твы и трезвѣнія послѣдовал еси,/ нестяжáния же и послушáния,/ тѣмже и пáстве словесных овец даруешися/ и ꙗко свѣти́льник высóце поставляешися,// во славу Едѣнаго Человеколю́бца.

Егда во иночестем óбразе/ подвижáлся еси, слáвне Григóрие,/ ты благоразсúдне избрáл еси/ пасты́ря овцáм словесным Петро́ва гра́да/ первосвяти́тель треблаже́нный Тѣхон,/ ꙗже ко исповѣданію укрепляя ты/ и покрóву Небесныя Цари́цы вручáя,/ многоцѣнный ты жѣмчуг нарече́,/ от прѣтчи Спáсовы именовáние приѣм/ и бѣсеру сло́во спасенія уподóбив,/ еже неустáнно проповѣдал еси/ и мрежи пóльныя Влады́це уловил еси, вопі́я:// слава Тебѣ, Едѣне Человеколю́бче.

Егда бұ́ря собла́зна и разделенія/ корáбль церковный зело́ поколебá,/ к навѣтом же мучи́тельским/ шатáния лжебратіи приложѣшася,/ тогда сбѣѣться на тебѣ глаго́л,/ ꙗже верхов́ному Своему́ апóстолу Господь рече́:/ Моли́хся, да не оскуде́ет вѣра твоѣя,/ ꙗко да утверди́ши братію твою./ Сіе убо дѣлом испол́нил еси,/ Григóрие святи́телю,/ и ны́не на Небесѣх моли́ши о нас// Едѣнаго Человеколю́бца.

Ўны стихи́ры, глас 4.

Подóбен: Звáнный свѣ́ше:

Свѣ́ше звáнію послѣдовав,/ Григóрие всемúдре,/ отвѣргл еси сýетную мглу/ и бóдренно устремѣ́лся еси к Тро́ичному свѣту;/ тѣмже и лѣгче возлетѣ́л еси/ на крилѣх богоразу́мїя/ и еже о Христѣ страда́нія/ к неизрече́нному Небесному Престо́лу,/ иде́же непрестáнно со А́нгелы сла́виши/ Христа́ Бо́га на́шего,/ Егóже моли́// спасти́ и просветѣ́ти дýши на́ша.

Вѣ́ры правосла́вныя млеко́м,/ Григóрие пречúдне,/ от младе́нства воспитáн был еси,/ благочестѣ́ваго ко́рене святы́й плод,/ чадо послушáния,/ тѣмже да́нный ти талáнт умно́жил еси,/ проповѣ́дник Христóва Евáнгелїя ꙗвля́ся,/ моли́твенник вѣ́лий о ста́де Егó и пасты́рь душáм преизрѣ́ден,/ ѣстинен священник Бо́га Вѣ́шняго,/ Егóже ны́не моли́// спасти́ и просветѣ́ти дýши на́ша.

Дúхом Бóжиим умудря́емъ,/ Григóрие священне,/ таин Бóжиих прилѣ́жный зрѣ́телю/ и предóбрый тех сказа́телю,/ проповѣ́дник боговещáнный ꙗвѣ́лся еси,/ во всеорúжие во́инов Христóвых оболче́н,/ шлѣ́м спасенія воспрѣ́ял еси,/ и стрѣ́лы разжѣ́нныя лука́ваго/ щито́м вѣ́ры угасѣ́в,/ врага́ мечѣ́м духовным порази́л еси,/ и ны́не Христú моли́ся// спасти́ и просветѣ́ти дýши на́ша.

Сла́ва, глас 6:

Святи́тельскую похвалú и вѣ́рным побóрника вели́ка,/ апóстолом еди́нонравна, священному Богослову тезоименѣ́та,/ заблúждшим наста́вника, скорбѣ́щим душáм

утѣшителя,/ Ангелом подражателя и мученика венценосна,/ приидите, празднолюбцы, пѣсньми прославим Григорія,/ страдании своими днесь на Небеса возшедшаго,/ и почета побѣдныя от Владыки восприѣмшаго,/ псаломски вопиюще:/ честна воистину пред Господом// смѣрть преподобных Его.

И ныне, Богородичен догматик, глас тойже: Кто Тебѣ не ублажит:

Вход. Прокимен дне. И чтенія три.

Пророчества Исаиина чтение (глава 26):

Отверзите врата, да внидут людие хранящии правду и хранящии истину, приемлющии истину и хранящии мир. Яко на Тя надеянием надеяшася, Господи, во век, Боже великий, вечный, Иже смирив низвел еси живущия в высоких: грады крепкия разориши и обнизиши я даже до земли. И поперут я ноги кротких и смиренных. Путь благочестивых прав бысть, и приуготован путь благочестивых. Путь бо Господень суд: уповахом на Имя Твое и память, еже желает душа наша. От нощи утренюет дух мой к Тебе, Боже, зане свет повеления Твоя на земли: правде научитесь, живущии на земли. Преста бо нечестивый: всяк, иже не научится правде на земли, истины не сотворит: да возмется нечестивый, да не видит славы Господни.

Пророчества Малахиина чтение (главы 3 и 4):

Сия рекоша боящияся Господа, кийждо ко искреннему своему: и внят Господь, и услыша, и написа книгу памяти пред Собою боящимся Господа и благоговеющим Имя Его. И будут Ми, глаголет Господь Вседержитель, в день, егоже Аз творю в снабдение, и изберу я, имже образом избирает человек сына своего, добре работающа ему. И обратитесь и увидите между праведным и между беззаконным, и между служащим Богу и не служащим Ему. Яко се, день грядет горящъ яко печь и поглотит я, и будут вси иноплеменницы и вси творящии беззаконная яко стеблие: и возжжет я день Господень грядый, глаголет Господь Вседержитель, и не останется от них корень, ниже ветвь. И возсияет вам боящимся имени Моего солнце правды и исцеление в лучах его.

Притчей чтение (глава 12):

Ничтоже неправедное угодно есть праведному: нечестивии же исполнятся злых. Мерзость Господеву устне лживы: творяй же верно приятен Ему. Муж разумивый престол чувства: сердце же безумных срящет клятвы. Рука избранных одержит удобь: лъстивии же будут во пленении. Страшное слово сердце мужа праведна смущает, весть же благая веселит его. Разумив праведник себе друг будет: мысли же нечестивых некротки: согрешающих постигнут злая, путь же нечестивых прельстит я. Не улучит лъстивый ловитвы: стяжание же честное муж чистый. В путех правды живот, путие же злопомнящих в смерть.

На литіи стихіра храма.

Таже стихіры святаго, глас 3, самогласны:

Веселися и светися, Церковь Божия, снідитесь, вернии, в честном торжестве священнострадальца, истины проповедника, Крест Христов на рамо вземшаго, и пред мучители Спаса исповедавши, и в самый час кончины своей о убивающих его молившая: Господи, не постави им греха сего. Но и мы убо, чада твоя, святителю, кровом молитвы твоея покрывающеся, грехов оставления чаем, и верою днесь вопиём: радуйся, богоносне отче Григорие.

Радуйся, благий рабе и верный, радуйся, делателю винограда Божия, радуйся, тяготу и дневный вар понесый, радуйся, данный ти талант умноживый, радуйся, понесый на раму погибшее овча, радуйся, кормчий, иже корабль церковный добре

управивый, радуйся, горняго Иерусалима жителю, радуйся, Царствию Небесному насельниче, радуйся, богоносне отче Григорие.

Что глас празднующих бывает? Церковь убо Христова торжествует, и с нею земля Русская воспевает в память Божия святителя; веселитесь, граде Коломно, и Оки реки брега, иже в пленены его повиша; красуйся, граде Петров, и Невския струи, светло возблещите, архиерейства его святыню почитающе; ликуй, граде Кашине, мудростию словес его обогативыйся; воспой, тверская земле, капли священные крове его испивши и цветы благочестия и исповедания израстивши, и верою ныне возопий: радуйся, богоносне отче Григорие.

Слава, глас 6:

Память праведнаго с похвалами, / наипаче же сеятеля Слова Божия, / ниву Христову возделавшаго / и класы сторичныя в житницы Небесныя собравшаго, / неусыпнаго стража паствы церковныя, / делателя тайнаго винограда, / вином новым веселяща верных сердец // в невечернем дни воскресения.

И ныне, Богородичен, глас тойже: Творец и Избавитель мой, Пречистая:

На стиховне стихиры, глас 6.

Подобен: Все отложше:

Всю восприял еси / пастырскую мудрость, / и с Моисеевою кротостию / Илиину ревность совокупив, / Жертву Безкровную непорочно совершая, / и праведней руке к Богу о стаде воздевая, / темже добродетель твоя / на гнев безумных мучители подвиже, / иже ты судищу беззаконному предавше, / немилостивно убивша, / со дерзновением молящагося // о душах наших.

Стих: Честна пред Господем / смерть преподобных Его.

Вся от Христа улучив / священнословная дарования, / во утверждение благочестия / послания и книги многия списал еси, / души удрученные утешая, / сердец же и смыслы исцеляя / правою верою Троицескою, / Небеснаго Царствия надежду / и премирною любовью, / назидая чада своя на краеугольном Камени, / и Святое Возношение о тех принося, / и со дерзновением моляся // о душах наших.

Стих: Священники Твои облечутся в правду / и преподобнии Твои возрадуются.

Вся оставльше / земная мудрования, / единомысленная чада твоя, / Григорие, архиерею Христов, / на муки безмерныя влекомая, не предаша спасительныя веры, / но яко избранная овчата, / в жертву своему Владыце вознесошася, / ихже страдания поюще, / Подвигоположника величаем, / и ты наставника их почитаем, / со дерзновением молящагося // о душах наших.

Слава, глас 8:

Яко свеща на свещнице, / предстоит святитель Божий Григорий, / облистаяй Отчества нашего концы / веры и добродетели сиянием, / подвигов же и страданий своих, / в немже изобразися и прославися / пострадавый и воскресый, / и на Небеса

со славою возше́дый,/ Архиере́й Вели́кий Христо́с,// Иже вчера́ и днесъ, Той же и во ве́ки.

И ны́не, Богоро́дичен, глас то́йже: Безневе́стная Де́во:

На благослове́нии хле́бов тропа́рь, глас 8:

Росси́йскую звезду́, Коло́мны благо́ую о́трасль,/ гра́да Петро́ва цвёт неувядае́мый,/ Ка́шина облиста́ние и похвалу́,/ Григо́рия богомудраго восхва́лим,/ дивна́го во святите́лех и пресла́внаго в му́ченицех:// той бо мо́лится присно о душа́х на́ших.

Та́же други́й тропа́рь, глас 2:

Архиере́ю Христов Григо́рие,/ Бо́гу по благода́ти ча́до,/ нам же отец благосе́рдый,/ во дни помраче́ния безбо́жнаго/ добрый войсти́нну пасты́рь явился еси́,/ богосло́в и богопропове́дник,/ и му́ченик свяще́нный,/ моли́ Христа́, за Него́же пострада́л еси́,/ да изба́вит землю́ Русскую́ от вся́ких бед и зол// по вели́цей Своёй ми́лости.

И Богоро́дице Де́во: еди́ножды.

А иде́же не́сть всено́щнаго бде́ния, на вели́цей вече́рни по Ны́не отпу́щаеши: глаго́лем вторы́й тропа́рь еди́ножды. Сла́ва, и ны́не, Богоро́дичен воскресе́н по гласу тропаря.

НА УТРЕНИ

На Бо́г Господь: тропа́рь священному́ченика пе́рвый, два́жды. Сла́ва, вторы́й.

И ны́не, Богоро́дичен: Вся па́че смы́сла:

По 1-й кафисме седа́лен, глас 4.

Подобен: Вознесе́йся на Крест:

Возше́д на высоту́ святите́льства, гра́да Петро́ва основа́ния поколе́бленная па́ки укрепил еси́ си́лою словес Бо́жиих, и во обители благове́рнаго кня́зя Алекса́ндра я́ко звезда́ возблиста́л еси́, лучу́ прие́м от преве́чнаго Со́лнца пра́вды, И́же испо́лни тя благода́ти Своея́ и божестве́ннаго сия́ния.

Сла́ва, и ны́не, Богоро́дичен, глас то́йже:

И́же на престо́ле херуви́мстем седа́й и в не́драх О́тчих водворя́ясь, я́ко на престо́ле святе́м седе́и Своём, Влады́чице, в недрах Твоих; вопло́лся бо Бог войсти́нну, воца́рися над все́ми язы́ки, и разу́мно ны́не поём Ему́, Его́же умоли́ спасти́ся рабом Твоим¹.

По 2-й кафисме седа́лен, глас 3.

Подобен: Красоте́ де́вства:

Благоче́стно в по́стничестве пожи́в, на престо́ле архиере́йства посажда́ешися, на нёмже не славу́ и по́чести, но гоне́ния и у́зы, последи́ же и вене́ц му́ченический восприя́л еси́. Ны́не у́бо моли́ся, Григо́рие, о соверша́ющих па́мять твою́, да усер́дно восле́д тебе́ потеце́м, сла́вяще тя Просла́вльшаго.

Сла́ва, и ны́не, Богоро́дичен, глас то́йже:

¹ Более мелким шрифтом приводятся тексты, заимствованные из печатных книг и не нуждающиеся в редактировании.

Божественная скиния была еси Слова, Единая Пречистая Мати Дево, чистотою Ангелы превозшедшая, паче всех мене персть бывша, осквернена плотскими прегрешеньми, очисти молитв Твоих божественными водами, подающи, Чистая, велию милость.

Величание:

Величаем тя,/ священномучениче Григорие,/ и чтим честная страдания твоя,/ яже за Христа во утверждение на Руси Православия// претерпел еси.

Псалом избранный:

1-й лик: Бог нам Прибежище и Сила.

2-й лик: Господи, воздвигни силу Твою и прииди, во еже спасти ны.

1-й лик: Глаголах о свидениях Твоих пред царя и не стыдяхся.

2-й лик: Все языцы обидоша мя, и именем Господним противляхся им.

1-й лик: Тебе ради умерщвляемся весь день, вменихомся яко овцы заколения.

2-й лик: Крепость моя и пение мое Господь и бысть мне во спасение.

По полиелее седален, глас 8.

Подобен: Премудрости:

Благочестиваго корене святая отрасль, издетска паче всех земных Бога возлюбил еси, и в заповедех Его возрастал еси, темже и иноческий образ со тщанием на ся восприим еси. Но яко град, верху горы стояи и не могый укрытися, граду Петрову даруешися, яко бисер многоценен и яко добрый воистину пастырь, о стаде души полагаяи, Тихоном первосвятителем предизбран, Григорие всечестне. Моли Христа Бога грехов оставление даровати, чтущим любовь святую память твою.

Слава, и ныне, Богородичен, глас тойже:

Яко Дево и едину в женах, Тя, без семени родшую Бога плотию, все ублажаем роди человечести. Огнь бо вселися в Тя Божества, и яко младенца доиди Зиждителя и Господа. Тем Ангельский и человеческий род достойно славим пресвятое Рождество Твое и согласно вопием Ти: моли Христа Бога согрешений оставление даровати поклоняющимся верою пресвятому Рождеству Твоему.

Степенна, 1-й антифон 4-го гласа. Прокимен, глас 4: Пройдохом сквозь огонь и воду,// и извел еси ны в покой. **Стих:** Разжегл еси, якоже разжигается сребро.

Всякое дыхание:

Евангелие, от Матфея, зачало 36 (10: 16-22).

По 50-м псалме стихира, глас 6:

Кроток и незлобив яко голубь,/ обаче за истину Христову ратоборец богомудрый,/ суетных почестей бежащ,/ апостольския же ревности исполнь,/ именем же и учением, и нравом/ Богослову Григорию подобяся,/ святителем украшение, исповедником и мучеником слава,/ тьмы отгонитель, сын воистинну Света невечерняго,// присно нам сияеши, Григорие.

Канон Богородицы со ирмосом на 6, глас 8: Воду прошед:
и святого канона два на 8.

Канон первый, глас 1, имый краестрочие:
Пою ти хвалу, Григорие, архиерею Христов.

Песнь 1

Ирмос: *Твоя победительная десница/ Боголепно в крепости прославися:/ та бо, Безсмертне,/ яко всемогущая противныя сотре,// израильтяном путь глубины новосодѣлавшая.*

Похвалы твоя, Григорие, предначинающе, умоли Владыку всех, да очисти м к пению устне, добродетели и страдания твоя повести по достоянию тщася.

Образ Создавшего тя носяй, Григорие, и еже по подобию стяжати от юныя версты потщася еси, не на временная и тлеемая взирая, но на негибнущая и вечная.

Юже Ангельский лик немолчными гласы яко Царицу поет, от младенства возлюбил еси и Тоя избранное чадо явился еси, Григорие, матери земней умерши.

Богородичен: Тайных цветов рай явилася еси, Чистая: из Тебе бо произшед, Единородное Слово Отчее мир Своея красоты исполни, и нетлением Своим естество человеко облагодухал есть.

Другой канон святого, глас 7, имый краестрочие:

Священнаго страдальца славим любовью.

Песнь 1

Ирмос: *Манием Твоим на земный образ преложися/ прежде удобообразливое водное естество, Господи./ Темже, немокренно пешествовав, Израиль// поет Тебе песнь победную.*

С вышними силами ныне престолу Божию предстоя, Григорие, чтущих всечестную память твою сквозь море житейское ведши, Господеву поющих песнь победную.

В несветлыя времена истинный световодитель верным от Христа дался еси; Крестом, яко столпом огненным, в землю спасения ведый Господеву поющих песнь победную.

Яко Моисей жезлом от суха камени воду изведе, тако и ты, Григорие, люди Христовы, жаждою нестерпимою мучимыя, евангельскою струей напаял еси, Господеву поющих песнь победную.

Богородичен: Щедроты Твоя, Владычице, неизвестно источаются верою призывающим Тя рабом Твоим, обаче и противу враг невидимых Воевода нам взбранная буди, Сыну Твоему поющим песнь победную.

Катавасия: Крест начертав, Моисей:

Песнь 3

Ирмос: *Едине ведый человеческого существа немощь/ и милостивно в не вообрази,/ препояши мя с высоты силою/ еже вопити Тебе, Святей,// одушевленный храме неизреченныя славы Твоея, Человеколюбче.*

Искушѣний юности пучину немокренно прешѣл еси, вѣроу и благодатию Христовою, яко рукама крѣпкими, держимъ, и вопиял еси: благословѣн еси в храмѣ славы Твоея, Человеколюбче.

Христос от начала благодѣию души Твоея ведый, яко жениху венѣц избрания возложѣ ти, и яко невѣсту, красотою целомудрия украси, зовущаго: свят еси в храмѣ славы Твоея, Человеколюбче.

Волю покорив духови, едины воли Божия во всем житии твоём иский, Григоріе, присно взывал еси: стопы моя направи по словеси Твоему, да не обладает мною всякое беззаконіе, еди́не Бла́же и Человеколюбче.

Богородичен: А́гница Всенепоро́чная, Я́же А́гнца и Па́стыря мірови неискусомужно ро́ждшая, при́зри на моли́твы вѣроу зовущих: благословѣн еси в храмѣ славы Твоея, Гóсподи.

Ин

Ирмос: *В началѣ Небесá всесильнымъ словомъ Твоимъ/ утверждѣй, Гóсподи Спáсе,/ и Вседѣтельнымъ и Бóжиимъ Духомъ всю силу их,// на недви́жимемъ мя́ камени исповѣдания Твоего́ утверди́.*

Еди́ный в Трѣице сла́вимый Бóже, дѹх мой укрепѣ во еже присно Тя любѣти, Тебѣ служѣти, Тя сла́вити, — святы́й Григорій во дни и в но́щи моля́шеся. — Бѹди со мно́ю, и никто́же на мя́.

На церковномъ недви́жимемъ камени стопы́ твоѹ, Григоріе, от младѣнства утверди́шася, тѣмже сѹетнаго вѣка, ересѣй, мятѣжей и браней беснующиися пото́цы нимáло тя поколебáша.

Не ласка корми́лиц, ниже теплота домашная, но обители Коломенския, тако́же труды́ и бдѣния, послушáние же и смиреніе воспитáша тя издѣтска, пречѹдне Григоріе.

Богородичен: Архиерей Велі́кий, прошѣдый Небесá, всесвятый Храмъ Тя избрá, да вселѣтся плóтию весь в Тя, огнемъ Божества́ Своего́ никако́же опаляя, Маріе Прѣблагословѣнная.

Седáлен, глас 8.

Подóбен: Премудрости:

Премудрости Божия Ипостáсныя вѣрный проповѣдникъ, премудрости и духовъ различѣния дар дѣивно от Нея́ стяжал еси́. Сего́ ради во времена́ искушѣния и собла́зна, разделѣния же и гонѣния́ истиненъ па́стырь душáм явилъся еси́, и богокрасными́ учѣньми и послáнии чáда твоѹ духовная́ утешáл еси́, и в вѣре утверждáл еси́, всяческая́ всемъ бывъ, да всяко́ не́кия спасѣши. Но и исходъ твой ѣже ко Христѹ́ мучѣниемъ украси́л еси́. Сего́ ради чтемъ труды́ твоѹ и подвиги́, болѣзни́ и страдáния, архиерѣю́ предобры́й Григоріе.

Слáва, и ны́не, Богородичен, глас тойже:

Яко Всенепоро́чная Невѣста Творца́, яко неискусомужная́ Мáти Избáвителя, При́ятелище́ яко́ сѹщи Утѣшителя́, Всепетая́, беззаконію́ мя́ сѹща́ сквѣрное обителище́ и демономъ игра́лище в

ра́зуме б́ывша потщ́ися от тех злоде́йства мя изба́вити, све́тлое жили́ще добродете́лей соверши, Светоносная, Нетле́нная, отжени́ о́блак страсте́й, и вы́шняго прича́стия сподо́би, и све́та невече́рняго моли́твами Твои́ми.

Песнь 4

Ирмо́с: Го́ру Тя, благода́тию Бо́жиею приосене́нную,/ прозорли́выма Авваку́м усмотрі́в очі́ма,/ из Тебе́ изы́ти Изра́илеву провозглаша́ше Свято́му// во спасе́ние на́ше и обновле́ние.

Ле́том о́гненнаго искуше́ния наста́вшим, стра́хом гонений не поколеба́лся еси́, но и́го Христо́во на ся возло́жь, в пу́ть преподо́бных, испове́дник и му́ченик, ра́дуясь, поше́л еси́.

Убива́ющих те́ло не боя́ться поуча́ясь, по вся́к час взира́л еси на Распя́тие Влады́ки, рече́нное помина́я: преда́ят вы в ско́рби и убию́т вы, претерпе́вый же до конца́, той спасе́тся.

Гото́во се́рдце моё, Бо́же, гото́во се́рдце моё, — псаломски восклицáл еси, Григо́рие, воли Божией покоря́ясь, и угото́ванным бо́дренно ше́ствуя путе́м, Тихона Первосвяты́теля внем повеле́нию.

Богоро́дичен: Ра́дости вина́ Небе́сным Си́лам бы́ла еси, е́же о овча́ти и дра́хме обрётшихся, Преблагослове́нная Мари́е. Те́м и земноро́днии непреста́нно вопие́м: ра́дуйся, Обра́дованная.

Ин

Ирмо́с: О́тча не́дра не оста́вль/ и соше́д на зе́млю, Христé Бо́же,/ та́йну услы́шах смотре́ния Твоего́// и просла́вих Тя, Еди́не Человеколю́бче.

Горя́ща ко Христу любóвию Данийілова монашеская бра́тия со священным пастырем ея́ Феодо́ром тя прие́млет ра́достно.

О́тче Небесный, — рече́ Григо́рий, — еди́но проси́х у Тебе́, е́же жи́ти в домо́у Твоём вся дни живота́ моего́ и присно зре́ти красоту́ Твою, Человеколю́бче.

Святы́лища Бо́жия ви́дя разграбля́емы, сыноле́пно скорбел еси, о́баче нетле́нных красо́т иска́ти учил еси и ко горне́му Сиону взира́ти.

Богоро́дичен: Ты вся небе́сная во́инства Рожде́ством Твои́м удиві́ла еси́ и Це́рковь спаса́емых возвеселила еси, Спасителю́ Мати бывши.

Песнь 5

Ирмо́с: Просвети́вый сия́нием прише́ствия Твоего́, Христé,/ и освети́вый Кресто́м Твои́м ми́ра концы́,/ се́рдца просвети́ све́том Твоего́ богоразу́мья// правосла́вно пою́щих Тя.

Искі́й Тихон святы́й кре́пче сло́во істины держа́ща, и за па́ству ду́шу полага́ющая, на святы́тельство тя избира́ет во град Петро́в, и́же наипа́че от безбо́жных смуща́шеся.

Главу́ преклонил еси, Григо́рие, не пререка́я, ниже вопи́я, но избра́нию послу́шен, и я́ко свы́ше си́е при́ял еси, подража́я Христо́ви, Па́стырю овцам вели́кому и А́гнцу даже до смерти послушливому.

Обитель Александра святаго, веру православную дравле от латин зверонравных защитившаго, тобою, святе Григорие, крепкое забрало явися противу льва, огнем адовым рыкающего.

Богородичен: Радуйся, вся тварь Тебе вопиет, яко Слово Отчее Единородное плотию вместила еси, земная с Небесными Рождеством Своим совокупльши, Марие Богоневесто.

Ин

Ирмос: *Нощь неслетла неверным, Христэ,/ верным же просвещение в сладости словес Твоих./ Сего ради к Тебе утреннюю// и воспеваю Твое Божество.*

Ревнуйте о дарованиях больших, чада своя духовная Григорий богомудрый поучаше, паче же всех о любви, еяже ничтоже в мире выше есть.

Александру, святому воителю, в нищете духовней и мужестве ревнуя, святитель Григорий воистину бысть воин, мечем глагола Божия невидимых враг полки отгоняя.

Дажь ми слово от Твоих сладчайших устен, Слове, Григорий моляшеся, и просимое получив, силою мноюю словесною обогатися от Господа Царя сил.

Богородичен: Ангельское радование приимши, Дево, всею душою Твоею веровала еси Богу и Сама Себе вдала еси Тому, тем по достоянию блажим Тя.

Песнь 6

Ирмос: *Обыде нас последняя бездна,/ несть избавляяй,/ вменихомся, яко овцы заколения,/ спаси люди Твоя, Божие наши,// Ты бо крепость немощствующих и исправление.*

Исправляющая добре вся яже о Церкви Господни, погибели и геенны сынове на судище неправедное влекут тя, со беззаконными вменяюще и яко некоего татя узам предающе.

Еже ко осуждающим Спасово терпение пред очима имея, кротце и смиренне мучителем отвечал еси, окамененная сердца их якоже воск растопляя Креста Господня силою.

Апостольски о стаде церковнем болелзнуя и от соблазна и порока соблюдая е, воззвал еси: кое согласие Христови с велиаром, и кое сложение Церкви Божией со идола?

Богородичен: Радуйся, новое Небо, в немже нам Солнце правды возсия. Радуйся, благодати Источниче, мир весь напаяя. Радуйся, потопляемым Ковчеже спасения.

Ин

Ирмос: *Плавающего в молве житийских попечений,/ с кораблем потопляема грехи/ и душеленному зверю приметаема,/ яко Иона, Христэ, вопию Ти:// из смертоносныя глубины возведи мя.*

Любóвию Бóжиею распала́емь, поуча́л еси, святíteлю: а́ще всем сёрдцем Свёта йстины взы́щеша, Той возглаго́лет в сёрдцы твоём, и тебе́ открьётся, пленя́я тя всего́ и просвеща́я во веки.

Ца́рствие Христо́во па́че всего́ земнаго возлюбив и того́ моли́твенно ча́я, святíteлю, мнѣмаго ра́я земна́го, безбо́жным насѣльствомъ созида́емаго, душеубѣйственную лжу отмел еси.

А́ще с престóлом и па́ствою разлучѣн бы́л еси, а́ще и в цѣркви Божии учи́ти возбранѣно́ ти бы́ше, оба́че о́вы убо та́йно назида́л еси, о́вы же послáнными утешал еси, святíteлю.

Богорóдичен: Собóри Небѣсныхъ Силъ вкúпе с земнорóдныхъ лѣки, всякъ язы́къ человѣ́ческий и А́нгельский, та́йну Рожде́ства Твоегó не мо́гут досто́йно воспѣти, оба́че во смире́нии Тя сла́вят, Богоблагодáтная.

Конда́к, глас 6.

Подóбен: Рукопи́саннаго о́браза:

Безбо́жнѣя вла́сти повелѣ́ний не убо́явсѣя, / но божѣ́ственною благода́тию укрепля́емь, Григóрие, / сло́вомъ Господнимъ ста́до твое́ от душетлѣ́нныхъ волко́въ огради́л еси; / в ча́с же смѣ́ртный немóлчно о немъ Па́стыреначальника молил еси: / ускори́, о Ще́дрый, / и потщи́ся, я́ко ми́лостивъ, в помощь на́шу, // я́ко мо́жеши хотя́й.

И́кос

Простри́ ру́ку Твою́ с Небесѣ́, Благо́й, и соблюди́ Цѣ́рковь, кровию́ Сы́на Твоегó искупленную, неколебѣ́му, нетлѣ́нну и от вра́жиихъ кова́рствъ ненавѣ́тну, и лю́ди Твоя́ на путь за́поведей Твои́хъ наста́ви Ду́ха Твоегó осенѣ́ниемъ, сы́ны дне и свѣ́та показу́я, я́ко да ви́дяще всѣ́ язы́цы до́брая дела́ ихъ, просла́вят Тя, Отца́ Небѣ́снаго, — мо́лит ны́не, предсто́я Тебе́, святíteль Тво́й и мучени́к Григóрий, я́коже и при честнѣ́й кончи́не своѣ́й, Тебе́ ра́ди немѣ́лостивно убива́емь, о гони́мей Цѣ́ркви и о лю́дехъ со слезáми взывáше: ускори́, о Ще́дрый, и потщи́ся, я́ко ми́лостивъ, в помощь на́шу, я́ко мо́жеши хотя́й.

Песнь 7

Ирмо́с: Тебе́, умную́, Богорóдице, пещь, / разсмотримъ, вѣ́рнии, / я́коже бо о́троки спасѣ́ три Превозно́симый, / мир обнови́, во чре́ве Твоёмъ всеце́л, // хва́льный отце́въ Богъ и препросла́вленъ.

Христо́вы правды́ бронѣ́ю оболче́н, вся́ стрѣ́лы лука́ваго разжжѣ́нныя угасил еси́ и мечѣ́мъ духо́внымъ мы́сленныхъ змиѣ́в главы́ ссекл еси́, безпоро́чну соблюда́я Цѣ́рковь хва́льнаго отце́въ Бóга и препросла́вленнаго.

Иисúсово́ сладча́йшее́ и́мя при́сно во устнѣ́хъ имѣ́й, Григóрие, пресѣ́льникъ бы́сть на земли́ Его́ ра́ди, ду́хомъ нико́лиже ча́дъ свои́хъ отлуча́ясь, но утвержда́я и утеша́я, и наста́вляя почитати́ хва́льнаго отце́въ Бóга и препросла́вленнаго.

Егда́ от безбо́жныхъ утесне́ниемъ томѣ́мъ бы́л еси́, от гра́да во градъ прехо́дя, спасѣ́тельное́ сло́во се́яти отню́дъ не престал еси́, класъ сто́ричныйъ прино́ся хва́льному отце́въ Бóгу и препросла́вленному.

Богорóдичен: Рáдости благовéстника Тí посылая, Божéственный Жéних, на чистотú Твою взира́я, вся ес́и добра́, Бл́жняя Мо́я, взыва́ше, Голуби́це Мо́я, Вертогра́де заключéнный, Исто́чнице запечатлéнный хвальнаго отцéв Бо́га и препрослáвленного.

Ин

Ирмо́с: *Пещь óтроцы огнепáльну,/ дрéвле росоточáщу, показáша,/ Ед́инаго Бо́га воспева́юще и глаго́люще:// превозно́смый отцéв Бог и препрослáвлен.*

Лю́тый страстéй огонь росóю моли́твы и стру́ями святы́х Писáний уга́шáя, в напáстех и скóрбех óтрочески воспева́л еси: отéц нáших Бо́же, благословéн ес́и.

Агнцу Божию всéм сéрдцем послушли́в быв, душегубительному мудровáнию челове́чу не повинúлся ес́и, воспева́я: отéц нáших Бо́же, благословéн ес́и.

Властéм земн́ым покая́ясь нелицеме́рне, волю́ Божию предпочел еси, Емúже и до послéдняго часа́ служи́л еси, взыва́я: отéц нáших Бо́же, благословéн ес́и.

Богорóдичен: И́долы человекобо́жия сокрушáяй И́же от Горы́ Тебé, Дево, нерукосечный Ка́мень вся племена́ земна́я воздвизáет пети: отéц нáших Бо́же, благословéн ес́и.

Песнь 8

Ирмо́с: *В пещи́ óтроцы Изра́илевы,/ я́коже в горни́ле,/ доброто́ю благоче́стия чистéе зláта блещáхуся, глаго́люще:// благослови́те, вся дела́ Господня́, Го́спода,// по́йте и превозно́сите во вся ве́ки.*

Елéню подóбся, ко исто́чником воды́ присноживотныя притекл еси, словесéм ева́нгельским, ихже подро́бне изъясня́ чáдом, свя́те Григо́рие, взыва́л еси: по́йте и превозно́сите Го́спода во ве́ки.

Ю́ность тво́я в Ду́се Свя́те я́ко о́рля обновля́шеся, от си́лы бо в си́лу восходил еси, благода́тию и му́дростию процвета́я. Сего́ ра́ди врази́ и́стины возста́ша на тя, и́мя твоé мняще истребити во ве́ки.

Христóвы и́стиннии ученицы́, чада́ тво́я духовна́я, образ страдания́ твоего́ видевше, в вере укрепиа́ся и силу́ противу гонителей восприя́ша, пою́ще и превознося́ще Го́спода во ве́ки.

Богорóдичен: Ра́дуйся, Цари́це, одесну́ю Царя́ Сла́вы предстоя́щи. Ра́дуйся, Ея́же ра́ди сонм дев святы́х, преподо́бных жен и му́чениц Жениху́ Небе́сному приведе́ся, сла́ва и превозно́ся Его́ во ве́ки.

Ин

Ирмо́с: *Неопáльная огню́ в Синáи причáщающаяся купина́/ Бо́га яви́ медленнорéчьному и гугни́вому Моисéови,/ и óтроки ре́вность Бо́жия три не́ребори́мая во огни́ певцы́ показá:/ вся дела́ Господня́, Го́спода по́йте// и превозно́сите во вся ве́ки.*

Ме́ртвенныя плóти тяжéсть отринув, на крилу́ боговидéния паря́ше, я́ко о́рел в в́ышняя вперя́ся, сквэрнии же богоненавистни́цы состреля́ти в та́йных тя

умыслиша, зовущаго: вся дела Господня, Господа пойте, и превозносите во вся веки.

Львом во обличии человечеством предан был еси на растерзание, Григорие, обаче не устрашился еси зубов их, ни рыканию их внял еси, но сострадальцы твоя утверждая, со дерзновением взывал еси: вся дела Господня, Господа пойте, и превозносите во вся веки.

Юношески презрев гонений распаленную печь, уже тысячи безвинных яко хлебы сладки Богови испекшую, вшел еси в ню, якоже в сад прохладен, святе, чертоги Небесныя предзря, зовый: вся дела Господня, Господа пойте, и превозносите во вся веки.

Богородичен: Божественная Палато всекрасному добротою Превечному Жениху, Одр Царев, воинством Небесным обстоимь, покоища отвързи и нам Вышняго Царствия, верно Сыну Твоему зовущим: вся дела Господня, Господа пойте, и превозносите во вся веки.

Песнь 9

Ирмос: *Образ чистаго рождества Твоего/ огнепалимая купина показана неопальная;/ и ныне на нас напастей свирепеющую угасити, молимся, печь,/ да Тя, Богородице,// непрестанно величаем.*

Истязав ты и умучив, ничтоже преуспе гонитель, но верою твоею посрамлен, смерти лютей предал есть, тело твое в безвестии сокрыв, обаче на Небеси яко звезда негасимая сияеши.

С сонмом новомучеников и исповедников Церкви Русския Престолу Божию предстоя, святителю мучениче Григорие, о иже верою чтущих тя Бога умоли.

Тверская земля освятится, приемши тело твое, и град Кашин исповеданием твоим прославися, мы же, песнями поюще тя, Спаса и Владыку непрестанно величаем.

Богородичен: О Всепетая Мати, со священнострадальцем Григорием, Сына Твоего кончиною своею прославльшим, Того моли державу нашу, грады же и веси покрыти от бед, да Тя вси величаем.

Ин

Ирмос: *Мати Божия и Дева,/ рождающая и девствующая наки,/ не естества дело, но Божия снисхожденья:/ тем, яко Единому, Божиим чудес сподобльшуюся,// Тя присно величаем.*

Образу Христову в душах чад твоих молил еси возобразиться, Павлу ревнуя, святителю Григорие. Ныне же узрев их страстем Его причастники, Агнца Божия присно величаеши.

Вослед Авеля праведнаго отшел еси, Григорие, вкупе со всеми новомученики Церкви Русския, и ныне якоже звезда на Небесех сияеши, Агнца Божия присно величая.

Иоáнн тайновѣдец, пѣтой печáти отверзшейся, зряше дýши уби́енных за сло́во Бóжие вопиющих, и о судѣ и отмщ́ении молящихся, Агнца же Божия белы ризы коемуждо их дающего, Егоже присно велича́ем.

Богорóдичен: Ю́же в зѣмлю крóтких сквозѣ мо́ре жити́я Путеводительницу известную, и светозарную Свещу́, в пусты́ни скорбѣ́й шествие осиявающую, Тя, Богома́ти, вся племена́ земна́я присно велича́ем.

Свети́лен

Подóбен: Ду́хом во святи́лище:

Якоже свети́льник любвѣ и благочѣ́стия сия́еши, Григо́рие, всем и́щущим яже о Христѣ вѣчныя жи́зни, простира́я во вся концы́ веры твоея лучи́. Моли́ у́бо мир ми́ру дарова́ти и душáм нáшим спасѣ́ние.

Сла́ва, и ны́не, Богорóдичен:

Под кров Твой, Чистая, прибега́ю ока́янный. Моли́ Благосѣ́рдаго, я́ко да получи́у ми́лость в день суда́, егда́ моя́ испытáет та́йная дея́ния, да изба́влюся Тобо́ю осужде́ния, благослове́нная Мари́е.

На хвали́тех, стихи́ры на 4, глас 4.

Подóбен: Дал еси́ зна́мение:

Дал еси́ Цѣ́ркви Ру́сстей,/ многомíлостиве Го́споди,/ во времена́ тѣмная/ провозвѣ́стника Свѣ́та и́стины,/ Григо́рия, благочѣ́стия рачи́теля,/ путь ко спасѣ́нию вѣ́рным показу́юща,/ и по́двиг запечатлѣ́вшаго/ е́же о Тебѣ́ страда́нием,/ Иису́се Человеколю́бче,// Спа́се душ нáших.

Дал еси́ обители́ Дани́иловой/ вѣ́рнаго в дýсе учени́ка,/ Григо́рия сла́внаго,/ добротелем первоначальника поучившагося/ и в по́двизех братии поревновáвшаго,/ иже доброкрасно на земли поживше,/ во обители́ Небе́сных востекóша,/ и ны́не мо́лят Тя о нас,/ Иису́се Человеколю́бче,// Спа́се душ нáших.

Да́л еси́ гра́ду Петро́ву/ и́стиннаго па́стыря,/ о овца́х Жѣ́ртву Безкро́вную приносившаго,/ таже и себѣ́ са́мага принѣсшаго/ в жѣ́ртву непоро́чну и благоприя́тну./ Мучѣ́нием бо вознесе́ся/ к пренебе́сному Престо́лу Твоему́,/ иде́же, о ми́ре моля́ся, предстои́т Ти,/ Иису́се Человеколю́бче,// Спа́се душ нáших.

Просвети́лся еси́, гра́де Ка́шине,/ Григория́ священнаго дарова́ньми,/ постóм и моли́твою и бде́нием/ и богоглаго́ливым учѣ́нием,/ наипáче же сла́внаго мучѣ́ния венце́м,/ имже той на Небесех увязе́ся / от руки́ Подвигополо́жника,/ за ны на Крест вдавшагося,/ Иису́са Человеколю́бца,// Спа́са душ нáших.

Сла́ва, глас 6:

Па́стырю до́брый и овча́ заколе́ния,/ Нача́лопа́стыря и Агнца Божия учени́чѣ,/ проповѣ́дничѣ благогласный и мучени́чѣ неустраши́мый,/ о́браз воистинну вѣ́рным был еси́, Григо́рие./ Но и в Вы́шнем Иерусали́ме торже́ствуя/ и в ли́це святи́телей Святей Трѣ́ице предсто́я,/ моли́ся о Оте́чествѣ твоѣ́м и о ста́де церко́внем,/ да вси чту́ще па́мять твою́/ и твоему́ исповеданию подража́юще,/ во свѣ́т лица́ Бóжия дости́гнем,// со все́ми святи́ми раду́ющеся во ве́ки.

И ны́не, Богоро́дичен, глас тойже:

Ра́дуйся, ко́реню летора́сленный,/ ра́дуйся, же́зле Божество́нный Ааро́нов,/ прозябый́ цвѣт неувяда́ющий,/ благопло́дный раю́,/ дре́во жи́зненное,/ от ко́рене Иессее́ва чи́стая процвѣ́тши, Отрокови́це,/ и земны́я кормя́щи хлѣбом разу́мным;/ ра́дуйся, багряни́це всечестна́я/ всех Царя́, Богоневѣ́сто,/ увязѣ́ние свѣтлое,/ архиере́ев благоле́пие;// ра́дуйся, Еди́на Пречи́стая.

Славосло́вие вели́кое. И про́чая по уста́ву.

НА ЛИТУРГИИ

Блаже́нна, от 1-го канона́ песнь 3-я, и от 2-го канона́ песнь 6-я. Прокі́мен, глас 7: Честна́ пред Го́сподем// смерть преподо́бных Его́. Стих: Что возда́м Го́сподеви о всех, я́же воздаде́ ми? Апосто́л к Ри́мляном, зача́ло 99. Аллилу́ия, глас 2: Свяще́нницы Твой облеку́тся в пра́вду, и преподо́бнии Твой возра́дуются. Стих: Бог нам Прибе́жище и Си́ла, Помо́шник в ско́рбех, обрѣ́тших ны зело́. Ева́нгелие от Луки́, зача́ло 106. Конѣц: В терпе́нии ва́шем стяжи́те душа́ ва́ша. Прича́стен: В па́мять ве́чную бу́дет пра́ведник:

Моли́тва

О приснопа́мятне святі́телю, Христо́в уго́днике и ве́рный Его́ свидѣ́телю, о́тче Григо́рие! Ты, от младенства во благочестии наставля́емъ, моли́тве науча́ясь и Прему́дростию Господнею насыща́я ду́шу твою́, к безмо́лвному созерца́нию и свяще́нному служе́нию добре уготови́лся еси́. Егда́ же при́иде на зе́млю Ру́сскую о́гненное посещѣ́ние, грех ра́ди наших попу́щенное, тогда́ ты, о́тче, иноческия обеты́ Богу́ принес и священи́ства благодатию украси́лся, всего́ себѣ преда́л еси́ на служе́ние Цѣ́ркви стра́ждущей и гонимому наро́ду правосла́вному. Таже и архиерейства крестное служе́ние от Первосвя́тителя Тихона послу́шне восприя́л еси́, во граде свята́го Петра́ посре́де безбожна́го мятежа па́ству Христову́ Словом Божи́им наставля́я и Хлѣбом жи́зни вечны́я напита́вая. Е́ще же и темни́чныя узы претерпе́ти сподоби́лся еси́, последи́ же венцемъ мучени́ческим увязле́ся еси́, веру́ даже до сме́рти непоро́чну соблюды́.

Те́мже ны́не к тебѣ́, Престо́лу Божи́ю предстоя́щему, усердно притека́юще и твоего́ заступле́ния ча́юще, вопиемъ ти: о учи́телю и наста́вниче наш, при́зри на ну́жды на́ша и удовлі́ я, е́лико полѣ́зно нам, и к жи́зни ве́чней приведи́ ны, да подвигомъ твоимъ послѣ́дующе и терпе́нием твои́м укрепля́еми и на сконча́ние жител́ства твоего́ взира́юще, вни́дем в свѣ́тлый черто́г Божий и кúпно с тобо́ю просла́вим Еди́наго Содетеля́ и Промы́слителя на́шего, Отца́ и Сы́на и Свята́го Ду́ха во ве́ки веко́в. Ами́нь.